

**UPRAVA DRUŠTVA**

Broj: U.D.-01-04-17403/21  
Sarajevo, 09.12.2021. godine

Na osnovu člana 45. Statuta, člana 70. i člana 69., stav (2), tačka (d) Zakona o javnim nabavkama BiH ("Službeni glasnik BiH" broj: 39/14), Pravilnika o javnim nabavkama i preporuke Komisije za nabavku usluga revizije finansijskih izvještaja uključujući i reviziju informacionih tehnologija za 2021.-2023. godinu, broj: 07.4-11-9-7834-27/21, od 03.12.2021. godine, Uprava Društva na 103. elektronskoj sjednici održanoj dana 09.12.2021. godine, d o n o s i:

**ODLUKU  
O PONIŠTENJU POSTUPKA NABAVKE****I**

Postupak za nabavku usluga revizije finansijskih izvještaja uključujući i reviziju informacionih tehnologija za 2021.-2023. godinu, pokrenut putem konkurentskog zahtjeva za dostavljanje ponuda, po obavještenju objavljenom na Portalu javnih nabavki, broj: 238-7-2-464-3-135/21, dana 24.08.2021.godine, se poništava jer ni jedna dostavljena ponuda nije prihvatljiva.

**II**

Ova odluka stupa na snagu danom donošenja.

**OBRAZLOŽENJE**

Na osnovu Odluke o pokretanju postupka javne nabavke usluga – Revizija finansijskih izvještaja uključujući i reviziju informacionih tehnologija za 2021.-2023. godinu, broj:U.D. 01.04.-8412/21, od 02.06.2021. godine i rješenja Generalnog direktora za provođenje postupka usluga revizija finansijskih izvještaja uključujući i reviziju informacionih tehnologija za 2021.-2023. godinu, broj: 01-11-9-7834-2/21, od 03.06.2021. godine, Komisija je provela postupak javne nabavke, putem konkurentskog zahtjeva u predmetu usluga revizija finansijskih izvještaja uključujući i reviziju informacionih tehnologija za 2021.-2023. godinu, sa objavljivanjem Obavještenja o nabavci, broj: 238-7-2-464-3-135/21, na Portalu javnih nabavki 24.08.2021.godine. Istovremeno, Ugovorni organ je omogućio neograničen i direktan pristup tenderskoj dokumentaciji, broj: 07.4-11-9-7834-17/21, putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Sastanku su prisustvovali članovi Komisije imenovani Rješenjem Generalnog direktora broj: 01-11-9-7834-2/21, od 03.06.2021.godine.

Javno otvaranje ponuda u postupku predmetne nabavke je održano dana 06.09.2021. godine u 12:15h, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban zapisnik, broj: 07.4-11-9-7834-22/21. Po završetku javnog otvaranja ponuda Zapisnik sa otvaranja je istog dana poslan svim ponuđačima učesnicima javne nabavke, putem e-maila.



Komisija je konstatovala da je u postupku nabavke usluga – Revizija finansijskih izvještaja uključujući i reviziju informacionih tehnologija za 2021.-2023. godinu, dana 06.09.2021.godine izvršeno javno otvaranje ponuda o kojem je sačinjen Zapisnik sa otvaranja ponuda broj 07.4-11-9-7834-22/21, a koji je istog dana dostavljen ponuđačima koji su učestvovali u predmetnom postupku nabavke.

Komisija je prije samog otvaranja ponuda konstatovala sljedeće:

- da je tenderska dokumentacija učinjena dostupnom na portalu JN
- da je ukupno 19 ( devetnaest ) potencijalnih ponuđača preuzelo tendersku dokumentaciju sa portala JN
- da su do roka za dostavljanje ponuda, pristigle 4 ( četiri ) ponude
- da su sve kovertne neoštećene, uredno zapakovane i zapečaćene
- da su na kovertne stavljeni redni brojevi prema kojima se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualno ponuđeni popust, ne praveći uvid u sadržaj i validnost dostavljene dokumentacije.

Na Protokol Društva, do roka određenog za prijem ponuda ( 06.09.2021. godine ), pristigle su ponude slijedećih ponuđača, i to:

1. „REVIK“ d.o.o. Sarajevo, Ul. Branilaca Sarajeva broj 21
2. „GRANT THORNTON “ d.o.o. Banja Luka, Ul.Vase Pelagića broj 2
3. „MERFI“ d.o.o. Sarajevo, Ul. Porodice Ribar br.37
4. „ADDRESS“ d.o.o, Sarajevo, Ul.Marka Marulića br.2c

Komisija je izvršila uvid u dostavljene ponude svih ponuđača koji su učestvovali u predmetnom postupku nabavke te je prilikom analize ponuda komisija utvrdila slijedeće:

1. Ponuda ponuđača „REVIK“ d.o.o. Sarajevo, Ul. Branilaca Sarajeva br 21, Sarajevo sa ukupnom vrijednosti ponude bez uračunatog PDV-a u iznosu od **30.000,06 KM, ne ispunjava** sve zahtjeve Ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja.

Naime, uvidom u ponudu od strane komisije za predmetnu nabavku utvrđeno je da ponuđač „REVIK“ d.o.o. Sarajevo, u svojoj ponudi na strani 5 ,6 ,9 ,18,19, 25 ,27 ,43, vršio ispravku ponude na način da je uz ispravku broja gore navedenih stranica, stavljen pečat i poptis ponuđača, ali ne i datum koji treba biti naznačen zajedno sa pečatom i potpisom, kada je izvršena navedena ispravka. Dakle, ispravka ponude je vršena suprotno propisanoj tenderskoj dokumentaciji, gdje se u tački 4. Priprema ponude, tačke 4.2., decidno navodi da:

....“Ponuda se izrađuje na način da čini cjelinu i mora biti napisana neizbrisivom tintom. **Ispravke u ponudi moraju biti izrađene na način da su vidljive i potvrđene potpisom i pečatom ponuđača, uz navođenje datuma ispravke.** Svi listovi ponude moraju biti čvrsto uvezani na način da se onemoguću naknadno vađenje ili umetanje listova, osim garantnih dokumenata.....”

Na osnovu gore navedenog ponuda ponuđača „REVIK“ d.o.o. Sarajevo, nije dalje razmatrana, te je u skladu sa svim gore navedenim konstatovano da je ponuda ponuđača ocijenjena kao **neprihvatljiva** za Ugovorni organ i ne može biti predmet vrednovanja.



2. Ponuda ponuđača „**GRANT THORNTON**“ d.o.o. Banja Luka, Ul.Vase Pelagića broj 2 sa ukupnom vrijednosti ponude bez uračunatog PDV u iznosu od **42.375,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički **prihvatljiva**.
3. Ponuda ponuđača „**MERFI**“ d.o.o. Sarajevo, Ul. Porodice Ribar br.37 sa ukupnom vrijednosti ponude bez uračunatog PDV u iznosu od **45.000,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički **prihvatljiva**.
4. Ponuda ponuđača „**ADDRESS**“ d.o.o , Sarajevo, Ul.Marka Marulića br.2c sa ukupnom vrijednosti ponude bez uračunatog PDV-a u iznosu od **45.000,00 KM**, **ne ispunjava** sve zahtjeve Ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ.

Naime, ponuđač je na strani 87. svoje ponude dostavio Spisak uredno izvršenih ugovora, ali koji se odnosi samo za 2020/2021. godinu, što je u suprotnosti sa propisanim uslovima iz tenderske dokumentacije u kojoj se kaže da je ponuđač dužan dostaviti :

.....“ Spisak izvršenih Ugovora o uspješno obavljenoj reviziji **za prethodne tri godine** od datuma obavještenja o nabavci i to po najmanje 3 privredna društva za svaku godinu ponaosob, koji u skladu sa članom 4. Zakona o računovodstvu i reviziji FBiH (Sl.n FBiH br.15/21) se svrstavaju u velika pravna lica.

Daljom analizom utvrđeno je da je ponuđač na strani 107 i 109 svoje ponude dostavio certifikate za 2 ovlaštena revizora, ali nije dostavio iskustvo i reference istih , kako je to zahtjevano tačkom 2.2 pod e) TD, u kojoj se navodi da :

.....” Ponuđač, uz asistente, pomoćnike revizora i pomoćno osoblje, mora navesti najmanje 2 (dva) ovlaštena certificirana revizora sa licencom **i iskustvom** koja će biti angažirana na poslovima revizije u JP “BH POŠTA” d.o.o. Sarajevo;

Shodno gore navedenom ponuda ponuđača nije dalje razmatrana, te je konstatovano da je ponuda **neprihvatljiva** za Ugovorni organ.

Cijeneći činjenično stanje, Komisija konstatuje da su za javnu nabavku usluge revizije finansijskih izvještaja uključujući i reviziju informacionih tehnologija za 2021.-2023. godinu, pristigle ukupno 2 ( dvije ) prihvatljive ponude za Ugovorni organ.

Poštujući uslove tenderske dokumentacije kojom je predviđeno održavanje e-aukcije, a sve u skladu sa Pravilnikom o uslovima i načinom korištenja e-aukcije ( „ Službeni glasnik BiH “, broj:66/16 ), Komisija je zakazala e-aukciju na portalu Javnih nabavki ( [www.ejn.gov.ba](http://www.ejn.gov.ba) ), za dan 27.09.2021. godine sa početkom u 11:00 sati i predviđenim početnim trajanjem e-aukcije od 10 minuta.

Nakon okončane e-aukcije koja je trajala 10 minuta ( Izvještaj o toku i završetku e-aukcije u prilogu ), a shodno utvrđenom kriteriju „ najniža cijena “, Komisija konstatuje da je:

- cijena ponude ponuđača „ **GRANT THORNTON** “ d.o.o. Banja Luka, u iznosu od **42.375,00 KM** bez PDV-a, u odnosu na cijenu početne ponude ostala **nepromijenjena**.

- cijena ponude ponuđača „ **MERFI** “ d.o.o. Sarajevo, u iznosu od **42.330,00 KM** bez PDV-a, manja za **5.93333**, u odnosu na cijenu početne ponude koja je iznosila **45.000,00 KM** bez PDV-a.

